

ՀԱՅԱՍՏԱՆՈՒՄ ՔՐԻՍՏՈՆԵՈՒԹՅՈՒՆԸ ՊԵՏԱԿԱՆ  
ԿՐՈՆ ՀՈԶԱԿԵԼՈՒ 1700-ԱՄՅԱԿԻ ԱՌԹԻՎ

ՀԱՅԱՑԱԾ ԱՍՏՎԱԾԱՇՈՒՆՉԸ ԵՎ ԱՆՈՐ ՊԱՏՄԱԿԱՆ  
ՏԱՐՐՈՂՈՒԹՅՈՒՆԸ\*

ՆԻԿՈՂԱՅՈՍ ԱԴՈՆՑ

Հայացած Աստվածաշունչը, որուն հազար հինգհարյուրամյակը կտոնենք, տարեկից է լատին թարգմանության, որ ծանոթ է Վուլկաթա անունով: Արդարև՝ 392-ին է, որ ս. Հերոնիմոս որոշեց լատիներենի թարգմանել Հին կտակարանի եբրայեցերեն բնագիրը և իր այդ աշխատությունն ավարտեց 405-ին: Ծիշտ նույն միջոցին է, որ ս. Սահակ և ս. Մաշտոց կատարեցին իրենց անմահ գործը: Մաշտոցի հետազոտությունները Հայ այրուրեան ստեղծելու համար, 392-ին սկսված, ավարտեցան 403-ին. այս թվականին, ոչ միայն տառերը պատրաստ էին, այլև Սուրբ Գիրքը, գեթ մասամբ, թարգմանված էր արդեն:

Անոնք, որ Աստվածաշունչը հայացնելու ազնիվ աշխատանքն ստանձնած էին, չէին կրնար երևակայել, որ իրենց գործին տարեգարձը օր մը պիտի տոնվեր պանդխտության մեջ, լատին մշակույթի հեռավոր հողին վրա, ուր առաջին հայ մը եկած է այն դարուն, իսկ երբ լատին թարգմանությունը կկատարվեր, *Arbanius* (Երվանդ) անունով մեկը, որ իբր նահանգապետ Գալլիան կառավարեց 464-են և 469-ը: Քմահաճ գիպվածը՝ այսպես մեզ կզեն տարեգարձներու եռյակի մը առջև, տարեգարձը՝ Հայ Աստվածաշունչին, լատին Աստվածաշունչին և Հայոցս այս երկրին մեջ բնակիլ սկսելուն:

Վուլկաթան լատին երկիրներուն համար չունեցավ այն կարևորությունը, զոր Հայ Աստվածաշունչն ունեցավ Հայ ժողովուրդին համար: Լատին զրականությունը շատոնց ի վեր գոյություն ունեւ, երբ Վուլկաթան երեցավ, մինչդեռ Հայ Աստվածաշունչը սկզբնավորությունը եղավ Հայ զրականության, սկզբնավորությունը նոր թվականի մը, ուր Հայ ժողովուրդը, առաջին անգամ ըլլալով՝ գրիչ ի ձեռին իր տեղը կուգա գրավել լուսավորյալ մարդկության մեջ:

Հայ Աստվածաշունչը ազատեց Հայությունը իրանական աշխարհին մեջ ձուլվելու վտանգեն: Ամրացուց քրիստոնեությունը Հայաստանի մեջ, և խաչին ճառագայթները հակադրեց հարձակողական մազդեզականության

\* Սույն աշխատությունը «Աստվածաշունչի» Հայերեն թարգմանության 1500-ամյակին նվիրված հոբելյանական նստաշրջանում (Սորբոն, 29 մարտի 1936 թ.) Ն. Ադոնցի կարգացած ֆրանսերեն զեկուցման հայերեն թարգմանությունն է (տե՛ս «Անահիտ», 1936, Հմմտ. «Յուշարձան», Ժողովածու, Երուսաղեմ, 1938): Հրատարակում ենք կետադրական և ուղղագրական աննշան շտկումներով: Տողատակի ծանոթագրությունները «Անահիտի» խմբագրությանն են (պատմ. գիտ. գոկտ. Պ. Հովհաննիսյան):

կրակին: Հայաստան վերջնականապես փոխվեցավ էականորեն քրիստոնյա դաշտի մը և այլևս այդպես մնաց դարերու ընթացքին:

Երկրին բարոյական ու մտավորական վերականգնումը բնականաբար արթնցուց ճշմարիտ ազգային զիտակցությունը: Պետք է մոռանալ, թե հայ Աստվածաշունչը երևցավ Բյուզանդիոնի և Պարսկաստանի միջև Հայաստանի ռաժանժանն անմիջապես հետո, որուն հետևեցավ քիչ հետո Հայաստանի թագավորության անդամանալի կործանումը: Այնուհետև զոյություն ունեցան երկու Հայաստաններ, մին՝ բյուզանդական, մյուսը՝ պարսկական, ազգային մարմնի մը երկու հատվածները, որոնց յուրաքանչյուրը դեպի տարբեր ճակատագիր մը կը դիմեր:

Հայոց պատմական կյանքը պարզվեցավ երկու տարամետ ուղղություններով, զոր կարելի է կերպով մը նկատել իրր աստվածաշնչական ոգվուն երկու այլազան արտահայտությունները:

Կ ուզեի քանի մը խոսքով անդրադառնալ այս կրկնակ հոսանքին վրա, հանելե առաջ ատկից հետևություն մը, որ կրնա մեզի օգտակար ըլլալ: Պարսկական Հայաստանը ելավ վառարանը ազգային մշակույթին: Նորածին գրականության հիմնադիրները սքանչելի կերպով անոր ծառայեցին: Թարգմանությունը այն գրական ու պատմական հրաշակերտին, որ է Սուրբ Գրիգոր, հետևեցավ կամ ընկերացավ հայացումը դարուն նշանավոր արտադրություններն ամբողջ շարքի մը, ինչպես Հովհան Ոսկեբերանի, Բարսեղ Կեսարացիի, Եփրեմի, Ափրաամի (Զգոն) գործերու, Եփեսեցիի Բրոնիկոնի և Եկեղեցական պատմության:

Եվ ահա նախախայրիքը ինքնուրույն ստեղծագործության մը՝ Ս. Գրիգոր Լուսավորչի վարքը, Հայաստանի քրիստոնյա թագավորներու պատմությունը, հայ դպրության հոր՝ Մաշտոցի վարքը, կամքի ազատության մասին հնարամիտ տեսություն մը, որուն կ'ընկերանա հերքումը քրիստոնեական վարդապետության հակառակ այլասեռ աղանդներու: Այս այնքան հուզիչ մտավորական զարթումը պիտի ընդմիջտ պահե, ինչպես երջանիկ մանկություն մը, իր հրապույրն ու թարմությունը գրական առաջին ներշնչման, և հաջորդ սերունդին կողմե պիտի համարվի իբր ոսկեգրը հայ դպրությանց:

Հոգեկան այսպիսի ծաղկափթթումի մը հանդեպ, պարսիկ իշխանությունները պետք էր ընտրություն մը ընեին երկու քաղաքականության միջև, զոր կը թելագրեին բանիմաց խորհրդականներ՝ կամ բռնաբարել քրիստոնեությունը և կամ զայն բյուզանդական քաղաքականութենեն հետևել, ինչ որ փորձվեցավ:

Հայերը ատկից օգտվեցան՝ ընդմիջտ ապահովելու համար Հայ եկեղեցվո բացարձակ անկախությունը և անոր ազգային նկարագիրը վարչական և վարդապետական (dogmatique) տեսակետով:

Եկեղեցին այդ թվականին ոչ միայն պահպանեց իր կրոնական գիտակցություն, այլև կ'ընդգրկեր մարդկային մտքի բոլոր արտահայտությունները: Ազգային եկեղեցի մը ունենալ կ'նշանակեր ունենալ սեփական մշակույթ, ինքնահատուկ լեզու, գրականություն, արվեստ, մեկ խոսքով՝ ամեն ինչ, որ կրնորոշե ազգի մը հոգեկան կյանքը:

Հայաստանյայց Եկեղեցիին աղղային գիծը իր ավատական կառուցվածքին մեջ կ'կայանա: Երբեմնի Հայաստանը կ'ներկայացնեն իրկիր մը՝ մեծ ու պզտիկ քանի մը տասնյակ տանուտերությանց ցանցով մը ծածկված:

Եկեղեցին կազմակերպվեցավ քաղաքական քարտեզին հարմարվելով, հոգեկան իշխանությունը կտոր-կտոր եղավ ու գլխավոր նախարարությանց միջև բաժնվեցավ: Ամեն մեկ իշխան կ'հավակներ ունենալ եպիսկոպոս մը, հոգևոր պես մը՝ իր կալվածին համար, բոլոր եպիսկոպոսները բացահայտորեն ստորադասված էին Եկեղեցվո գերագույն պետին, ինչպես և իշխաններն իրենք իսկ կ'ճանչնային գերագահությունը հայ, պարսիկ կամ արաբ թագավորներուն: Հայաստանին անձանոթ մնացած է նվիրապետական համրիչը մետրոպոլիտներու, ինքնավար կամ ինքնազուլիս արքեպիսկոպոսներու:

Եկեղեցին, ավատական ռեժիմին հետ նույնացած, անոր առավելություններն ու պակասությունները կ'յուրացնեն: Այսուհանդերձ՝ աշխարհագրական և հոգևոր իշխանությանց միջև ընդհարումները հաճախագեղ չէին, ոչ ալ ծանր: Համերաշխությունը կ'հայտնվեր մանավանդ արտաքին վտանգի պահուն: Նախարարները եկեղեցական ժողովներուն կ'մասնակցեին նույնքան իրավունքով, որքան եպիսկոպոսները, և այս վերջինները նախարարներուն կողքին կ'կենային քաղաքական խռովությանց միջոցին:

Ատոնք երկու սատարներ են, որ կանդուն պահած են պատիվն այդ երկրին, հմայքն այդ ժողովուրդին, որ, նույնիսկ այն շրջաններուն ուր կեղեքված էր, երբեք չէ կորսնցուցած իր արժանապատվության գիտակցությունը և պատրաստ էր իր քաջարի պետերու առաջին կոչին կռվի երթալու: Պետք է կարգալ հայ պատմաբանները, գաղափար կազմելու համար այն վստահության վրա, զոր կ'ներշնչվին իր իշխանները, այն հիացման վրա, զոր առաջ կ'բերեն անոնց քաջությունը:

Արքայական գահուն անկումն են հետո, Հայաստան կ'ունենա շրջաններ խռովությանց և հեղափոխությանց, որ հաջորդաբար կ'ալայթին, քանի մը տասնյակ տարիներով իրարմե զատված, մինչև այն վայրկյանն, ուր օտար լուծք թոթափվեցավ:

Թ գարու վերջերեն իսկ սկսյալ, կտեսնվին շարք մը իշխանապետություններ, որ մեկը մյուսին ետևեն ոտքի կկանգնին, և որոնց ոմանք թագավորություն անունը կկրեն: Ժ գարուն, ատոնց թիվը տասներկուքի չափ էր, և ատոնք ինքզինքնին այնքան անկախ կզգային, որ առանձին հարաբերություններ կհաստատեն Ռուզանգիոնի հետ: Կոստանգին Միրանածին, հայազգի Վասիլի թոռը, ատոնց անուններն ու տիտղոսները մեզի պահած է ըստ «Կայսերական արքունիքի գիվանագրքին»:

Հայ Եկեղեցին ալ ունեցավ իր նեղության օրերը: Հույն ուղղափառությունը՝ կայսրության ուժերուն վրա կռթնած, որևէ առիթ չէր փախցնել վերսկսելու համար իր հարձակումները Հայ Եկեղեցիի անկախության դեմ:

Այս վերջինը ուժգնորեն պաշտպանեց ինքզինքը և պահպանեց իր ավանդութիւնները, վարդապետությունները (dogme), ծեսերը և ամեն ինչ, որ ազգային անհատականությունը կկազմէ: Մեկե ավելի անգամներ, իր հմուտ վարդապետներն ու համբավավոր աստվածաբանները մայրաքաղաք կանչվեցան, ու հոն կայսերական ժողովին առջև հայկական դատը



պաշտպանեցին: Ո՛չ հրապուրիչ առաջարկներ, ո՛չ սպառնալիքներ կարող եղան անոնց համողումը խախտել կամ անոնց քաջութիւնը թուլացնել:

Հայ եկեղեցիին պարծանքն է՝ ամեն տեսակ հալածանք կրած ըլլալը պաշտպանելու համար ինչ որ կնկատեր իր հայրերեն իրեն թողված նվիրական ու անբռնաբարելի ժառանգութիւնը մը:

Այդպիսի դիմացկունութեան մը և անոր պարտադրած զոհաբերութեանց արդյունքը եղավ ծաղկումը, եկեղեցիին ծոցին մեջ, դրականութեան մը և արվեստի մը, որ հայոց կվերապահեն պատվավոր տեղ մը քաղաքակիրթ Արևելքին մեջ, ճոխ ու ալլազան դրականութիւնը, պատմական, աստվածաբանական, վարդապետական, իմաստասիրական, և արվեստը, մանավանդ ճարտարապետութիւնը, կազմութեան մեջ ինքնատիպ և գործադրութեան մեջ ազնիվ:

Մեկ խոսքով, Հայաստան իր ճիգերը սլակեց քաղաքականութեամբ մը, որ ծաղկեցավ վերոհիշյալ տասներկու իշխանապետութեանց մեջ և որ կընա Բագրատունյաց կոչվիլ կարևորագույն թագավորութեան անունով: Անի քաղաքը, վառարան այդ քաղաքակրթութեան, իր վեհափառ ավերակներով այդ շիջած քաղաքակրթութեան շքեղութիւնը կվկայե:

Այսպես եղավ բնաշրջութիւնը արևելյան կամ պարսկա-արաբական Հայաստանին: Բայց Բյուզանդական Հայաստանը ի՞նչ կներկայացներ նույն ժամանակաշրջանին:

Աստվածաշունչի թարգմանութեան միջոցին Բյուզանդական Հայաստանը մասնակցեցավ այդ դրական շարժման: Մաշտոցի գլխավոր աշխատակիցները Բյուզանդական Հայաստանեն էին, այսինքն՝ եկեղեցաց գավառեն, Դերջանեն, Խորձեանեն, Պաղինականեն և Տարոնեն, Մաշտոց ինքն իսկ Տարոնեն էր: Հունարենը հայտնապես ավելի ընտանի էր այդ շրջաններուն մեջ, Հայաստանի բաժանումեն իսկ առաջ Բյուզանդական երկիրներու դրացնութեան պատճառով: Այդ տեղվանքի թարգմանիչներն ուրեմն ավելի լավ պատրաստված պիտի գտնվեին:

Ատեն մը ետքը. Բյուզանդական Հայաստանը կթվի այլևս չհետաքրքրվիլ սահմանին մյուս կողմն անցած-դարձածով: Անիկա հոգածու չ'երևար ազգային հարցերուն հանդեպ, ինչ ալ ըլլան անոնք: Ան ոչ մեկ հեղինակ տվավ Հայ դրականութեան, ոչ ալ որեւէ կրոնավոր կաթողիկոսական աթոռը գրավելու արժանի:

Բյուզանդիոն, Հուստինիանոսի օրերեն իսկ, կձգտեր Հայաստանի այդ մասը իրեն կապելու և հայերը կայսրութեան կյանքին ու շահերուն շրջանակին մեջ միախառնելու: Ավատական կազմակերպութիւնը կամաց-կամաց կործանեցավ և երկրին իշխաններուն հրավեր եղավ իրենց կալվածները փոխանակելու արքունիքին և պետութեան մեջ պատվակալ պաշտոններու հետ: Գաղթականական հոսանք մը ատկից ծայր տվավ դեպի Բյուզանդիոն, մեկ դարեն մյուսը ավելի ներուժ դառնալով: Ինչ ալ ըլլային այն պատճառները, որ հայերը դեպի Բյուզանդիոն կմղեին, պետք է հաշվի դնել հրապույրը զոր կ'ընծայեր Բյուզանդիոնն այդ թվականին, իբր կայսրութիւնը մը տիեզերական նկարագիր զգեցած և աշխարհաքաղաքագիտական իդեալով մը ոգևորված:

Նոր Հռոմի մեծ հիմնադրին կրազը լավ թարգմանված է իր բարեկամին՝ Կեսարիո հմուտ եպիսկոպոսին<sup>\*\*</sup>, ձեռքով: Հեթանոս աշխարհը, ըստ իրեն, ենթարկված էր զանազան իշխանությունների. ատկից առաջ կուգային թշնամությունը, ստրկությունը, ամեն կերպ ցավեր: Պատմաբանները ջանացած են ատոր պատճառները դնել: Ստույգ է՝ վերջապես, թե այս բոլորը արդյունքն է բազմաստվածության մոլոր ոգիին: Անմիջապես որ Քրիստոսի հավատքը հաղթանակե, այդ բոլոր ակտերը, դիվային արտաշնչումները, պետք է անհետանան, ու միևնույն ատեն կառավարության բաժանումը զանազան վեհապետներուն միջև վերջ պիտի դնեն:

«Հիմա, որ միակ Աստված մը հռչակված է, ըսավ ան, միակ կայսրություն մը պետք է աշխարհը կառավարե՝ Հռոմեացիոց կառավարությունը: Քրիստոնեական հավատքը և Հռոմեական կայսրությունը կը կազմեն երկու ընձյուղ միևնույն ատեն ընկած՝ կարծես երկնային հրաշքով մը՝ մարդկությունը հովանավորելու համար: Գոյություն ունեցող բոլոր տերությունները, Սուրիո, Ասիո, Մակեդոնիո, Եգիպտոսի, Արաբիո, Պաղեստինի մեջ, այսուհետև միակ միություն մը պիտի կազմեն: Բովանգակ աշխարհը միակ ազգ մը պիտի դառնա, մարդկությունը պիտի համախմբվի իբր միակ ընտանիք մը՝ միակ մականի մը տակ, հելլեններու և բարբարոսներու միջև առանց որևէ խտրության»:

Ասիկա բորբոքյալ հողիով վանականի մը երազը չէր: Նոր կայսրությունը այդպիսի առաքելության մը կհավակներ արդարև ու կխորհեր զայն իրականացնել՝ քրիստոնեության հիմունքին վրա աշխարհաքաղաքացիական տերություն մը ստեղծելով: Բյուզանդիոնը ոչ հռոմեական կայսրություն մը սլիտի ըլլա, ոչ հունական կայսրություն մը: Ան պիտի ձևացնե լայն կազմակերպություն մը համաշխարհային բնույթով, զանազան ցեղերու և լեզուներու պատկանող ժողովուրդներու համադորձակցության վրա հիմնված՝ առանց ազգային նախապաշարման:

Բյուզանդական Հայաստանը մին եղավ այն երկիրներեն, որոնք ինքզինքնին ի սպաս դրին այդ քրիստոնյա կայսրության: Փոքր Ասիո ժողովուրդներուն մեջ, որոնցմե կայսրությունը պիտի քաղեր իր կենդանի ուժերը, ոչ մեկը ավելի կամ նվազ որոշապես սահմանված ազգային մարմին մը կներկայացներ, կամ ինչ-ինչ ավանդություններով ողևորված կ'երևար, Կապադովկիա, Լյուդիա, Փոյուգիա, Գաղատիա, Պափլագոնիա, Պիսիդիա, Իսավրիա և ուրիշ շրջաններ շատոնց կորսնցուցած էին իրենց ազգային դիմադրությունը:

Այդ անվերասլահ և կրավորական զանդվածին վրա կկանդներ գործուն ու ձեռներեց մտքով հույն տարրը: Հպարտ՝ անցյալով մը, որ մեկհատիկ է մարդկային պատմության մեջ, զինված լեզվով մը և մշակույթով մը, որ համաշխարհային դարձած էին հելլենիստիկական ժամանակաշրջանին ի վեր, հույները ունեին բոլոր առավելությունները կայսրության մեջ առաջին կարգն անցնելու համար:

Բայց բան մը կպակասեր իրենց՝ որպեսզի բոլորովին տեր դառնային Բյուզանդիոնին: Շատոնց ի վեր քաղաքաբնակ դարձած, ճարտարարվեստ

<sup>\*\*</sup> Այսինքն՝ Եվսեբիոս Կեսարացու:

տական կյանքին վարժված, հույները կ'երևա, թե կորսնցուցած էին ղեկավարները: Ամեն պարագայի մեջ, իրենց զինվորական կարողությունները չէին հավասարիւր այն համբավին, զոր ունեին գործունեության մյուս ճյուղերուն մեջ:

Արդեն իսկ Հուստինիանոսի օրով, հռիւ զինվորները պարսավելու համար, զանոնք «յոյն» կկոչեին, որպէս թե ոչ մեկ քաջ բան, ինչպէս կ'ըսե ժամանակին պատմիչը<sup>\*\*\*</sup>, կարենար ելլել այդ ցեղեն:

Հայերը սլիսի լրացնեին ինչ որ կպակսեր հույներսւն տոկուն լեռնականներ, զորեզ ու հուժկու, օժտված տպավորիչ ֆիզիկականով մը, զենքերու դործածութեան մեջ քաջավարժ, անոնք ունեին հարկ եղած հատկութիւնները բանակը վարելու և զայն հաղթանակի առաջնորդելու համար: Իրոք ալ Բյուզանդիոնի զինվորական հանճարը ծնունդով ու ծագմամբ հայ զորավարներով է ներկայացված:

Զինվորական կարողութիւնն է դարձյալ, որ դահուն բախտը կվճռեր, երբ ան խախտած էր: Ուստի և կտեսնենք, որ հայ ռազմիկները կփառասիրեն կայսերական թագին տիրանալ ու կհասնին ատոր և մեկե ավելի անգամ տեական հարստութիւններ (dynastie) կհիմնեն:

Հիմա դիտենք, թե Հերակլիոս, Բյուզանդիոնի ամենն նշանավոր կայսրերէն մին, հայ էր, ծնած Թեոդոսուպոլիս, որ մեր օրով էրզրում կկոչվի: Հարստութիւնը զոր ան հիմնեց, պեաք է ուրեմն առաջին հայ հարստութիւնը նկատվի:

Մեծանուն արեւելագետ Սեն-Մարթենը կկարծեր, թե Իսաւրյան հարստութեան հիմնադիրը, Լեոն, նույնպէս հայ էր ծագմամբ, Թեոփանոս ժամանակագիրը շփոթված ըլլալու էր Գերմանիկը, այժմ Մարաշ, որ Լեոնի ծննդավայրն է, Գերմանիկոպոլսո հետ, այժմ էրմենեք, Իսաւրիո մեջ, ե սխալմամբ անոր տված ըլլալու էր Իսաւրացի մականունը: Լեոն սկսավ պատկերամարտ քաղաքականութիւնը, իր փեսան էր Արտավազդ Հայը, և իր զարմիկը կկրեր Սիսինաքիոս անունը որ ո'չ հունական է ո'չ սուրիական, ասոնք իրողութիւններ են, որ ուժ կուտան Սեն-Մարթենի հայտնած կարծիքին:

Իսաւրացիներէն հետո հայերն են միշտ, որ դերագույն իշխանութիւնը իրենց ձեռքը կպահեն: Միքայել Թլվատ, աննշան ծագումով մարդ մը, սպանեց Լեոն Հայագդին, բայց հայերը իր կողմը քաջելու համար խնամութիւն հաստատեց հզոր ընտանիքին հետ Մարինոսի, որ Մամիկոնյանց տոհմէն սլատրիկ մըն էր: Մարինոսի դուստրը, գեղեցիկ Թեոդորան, դահուն վրա է, անոր շուրջ իր հորեղբայրը Մանվել, ժամանակին առաջին զորավարը, իր երկու եղբայրները՝ Բարդաս (Վարդ) կեսար և Պետրոնաս, իր փեսան կեսար Ալեքսիոս-Մուսելե (Մուշեղ), իր երկու քույրերուն ամուսինները, Արսաբեր (Արշավիր) և Կոստանդին Բաբոցիկ, բոլորն ալ կկազմեն այն վալլուն դեմքերը, որ կայսրութեան ճակատագիրը կվարեն:

Վերջապէս կ'երևա Վասիլ, հիմնադիրը ամենն փառավոր հարստութեան, որ Մակեդոնական կ'անվանվի և իրապէս հայկական է, և որու

\*\*\* Այսինքն՝ Պրոկոպիոս Կեսարացի:



տևողության միջոցին կայսրությունը իր զինվորական ու մշակութային մեծության գագաթնակետը բարձրացավ:

Ռամպո, անվիճելի հեղինակություն, Վասիլի Հարստության նվիրած իր մենագրության մեջ հաստատեց, թե հայերը ժ դարուն տեր դարձած էին կայսրության, թե ամեն տեղ հայեր միայն կտեսնվեին: Վասիլի հետ իրենց երևումն ըրին այն հզոր հայ ընտանիքները, ինչպես Լեկապենոս, Գուրգուաս (Գուրգեն) կամ Ջմշկիկ, Փոկաս, Սկլիոս, որոնք իրենց հերոսական ժեսթերով ստեղծեցին մեծ դյուցազններությունը, հավիտենական փառքը Բյուզանդիոնի:

Հոս տեղը չէ պարզելու երկար ու շարունակական շղթան հայ դեմքերուն, որ իրենց փայլով կլեցնեն կայսրության պատմությունը Ջ դարեն ժԲ դարը, ոչ ալ դնահատելու այն անսահման ծառայությունները, զոր հայերը մատուցած են պետության հանրային կյանքի բոլոր մարզերուն մեջ: Հիշեցնենք միայն, որ նույնիսկ Թ գարու հելլենական դիտությանց և հելլեն մշակույթի վերածնունդը հայոց գործն է: Վարդաս կեսար Հայն է, որ հիմնեց առաջին համալսարանը Կոստանդնուպոլսո մեջ և զայն դրավ դեկավարությանը տակ Լեոն Իմաստասերի, որ ինք ալ հայ մըն էր, հռչակավոր թե՛ իբր մաթեմատիկոս և թե՛ իբր հելլենագետ:

Լեոն եղբորորդին էր Հովհաննես Քերական պատկերամարտ պատրիարքին, ուսումնական անձ մը, որդի աստղաբաշխ Բագրատի, ուրեմն հայու մը:

Պատրիարքը ուներ եղբայր մը, որ կկոչվեր Արսաբեր (Արշավիր), որուն քաղաքամերձ պալատը ժամադրավայրը եղավ գրական աշխարհին: Անշուշտ այդ սալոնին մեջ է, որ կազմված է, ի միջի այլոց, համբավավոր Փոտը՝ Կ. Պոլսո պատրիարք և պարծանք օրթոդոքս եկեղեցվո: Ան հայ էր իր մորը կողմե, որ էր Իռենե, քույրը Արսաբեր հայազգի բարձր պաշտոնատարին, Թեոդորա կայսրուհւոյն քեռայրին:

Վերջապես Ջ դարեն ժԱ դար, մինչև հայ հարստության վախճանը, հայերը փառավորապես ծառայած են կայսրության և զայն դարձուցած են քրիստոնեական քաղաքակրթության ախոյանն ընդդեմ մահմեդականության:

«Առանց հայազգի Վասիլին, կ'ըսե հայտնի բյուզանդագետ մը, իսլամությունը եվրոպայի վրայեն պիտի անցներ, քարուքանդ ընելով ամեն ինչ որ զայն այսօր Ելլադայի և Հռոմի դուստրը կը կացուցանե»<sup>\*\*\*\*</sup>:

«Առանց հայ զորավարներու, Բյուզանդիոն պիտի կործաներ բարբարոսներու հարվածներուն տակ: Ծանր ռոպեններուն, հանկարծ երևան կուգար Հերակլ մը, Վասիլ մը, Ջմշկիկ մը, Փոկաս մը, որ այդ հոգնած քաղաքակրթության նոր թարմություն մը կուտար և այն ատեն կայսրությունը, այդ ծեր կինը, — ըստ բյուզանդացի պատմագրի մը բացատրության, — կ'երևար ինչպես մանկամարդ աղջիկ մը ոսկիով ու թանկագին քարերով զարդարված»<sup>\*\*\*\*\*</sup>:

ԺԱ գարուն մեջտեղը, մեծ փոփոխություն մը առաջ եկավ: Հայկական հարստությունը կշիջանի և բուռն հակազդեցություն մը կշղթայազերծվի

\*\*\*\* Այսինքն՝ Ա. Վոկթ:

\*\*\*\*\* Այս հատվածին հեղինակն է Ռամպո:

Հայերու դեմ: Ատիկա արդյունքն էր հույն ազգայնամոլության, զեչ նշանի մը տակ արթնացած և, որ սլիտի խաթարեր պարավոր բարի ավանդութիւնները և սլիտի դղրդեր կայսրութեան շէնքը: Այդ այնքան հրաշալիորեն ստղարեր գործակցութեան անխուսափելի խզումը չուշացավ իր անդրադարձումն ունենալու կայսրութեան ճակատագրին վրա: Կայսրերը, որ իրարու հաջորդեցին այն ատեն, անկարող ու անարժան՝ Վասիլի ժառանգութեան, փոխանակ ջանալու դարմանումը գտնել հույներու և հայերու միջև ծագած աղետաբեր պառակտումին, բազմավնաս այդ ուղղութիւնն ընդգրկեցին, առանց գիտակցութիւնն ունենալու իրենց քաղաքականութեան ծանրակշիռ հետևանքներուն: Բյուզանդական իշխանութիւնները սկսան բուռն հարձակումներ գործել Հայ եկեղեցւոյ դեմ և անխղճորեն աշխատեցան կործանել Հայ իշխանութիւնները՝ այն միջոցին, երբ Սելճուքեան հրոսակները Հայկական ընդհանուր կամալեցին:

Ատիկա ստիպեց Հայերը Բյուզանդիոնին կռնակ դարձնելու, իրենք իրենց մեջ ամփոփելու: Իրենց ճիգերը համախմբեցին սեփական քաղաքական վառարան մը ստեղծելու համար:

Քաջ Փիլարետը, կյուրապաղատ, բարձր պաշտոնատար արքունիքին և նախկին սպասավոր Աթոններու, այսինքն ընդհանուր հրամանատար բյուզանդական բանակին, քիչ ժամանակի մեջ աջողեցավ իրեն համար կազմել ընդարձակ պետութիւն մը, որ Մելիտինէն կտարածվեր մինչև Անտիոք:

Ուրիշ Հայ մը, որ նույնպէս կայսրութեան ծառայողներէն էր, Ռուբեն զորավարը, միևնույն ատեն քաշվեցավ Կիլիկիա, և Տավրոսի լեռներուն մեջ հիմնեց ավելի ամուր իշխանութիւն մը և Հայկական մշակույթի նոր վառարան մը:

Հայերու խուժումը դեպի մայրաքաղաքը դադրեցավ: Բյուզանդիոն այլևս չտեսավ ժայթքիլն այդ աղբյուրին, որմէ իր մեջ հոսած էին այնքան կենսական ուժեր և զոր ինքն իսկ ցամքեցուցած էր: Կայսրութեան ծոցին մեջ Հայ-հույն համերաշխութեան խզումը կնշանակեր այն թվականը, ուր Բյուզանդիոն սկսավ սահիլ դեպի անկում:

Կ. Պոլսո մեջ՝ Թոռնիկ Հայազգի ընտանիքին վերջին անդամներէն մին, Թեոդորոս Թոռնիկ, արդեն 1261-ին կնախատեսեր, որ Թուրքերը օր մը պիտի տիրանային Կ. Պոլսին և ամբողջ կայսրութեան:

Այս հակիրճ ընդհանուր տեսութիւնը կրնա ամփոփվիլ սապես. Հայկական անցյալին որոշ մեկ ժամանակաշրջանին, ժամանակաշրջան, որ մեկէ ավելի տեսականներով նշանավոր է, կրկին հոսանք մը կտրեց անցավ Հայկական պատմութիւնը, մին ազգային հողի վրա, մյուսը աշխարհաքաղաքացի ոստանին մեջ, մարդկութեան ծառայելու որոշ եղանակներով՝ ազգային շրջանակի մեջ կամ անկից դուրս: Հետո կտեսնվի, որ այդ հոսանքներէն մին, աշխարհաքաղաքացիութիւնը, ձախողվածի մը կ'ենթարկվի կամ հույն ազգայնամոլութեան ձեռով կ'այլասերի: Հայերը, երկար ատեն ու լայնորեն շոյալիւն հետո իրենց լավագույն ուժերն ի սպաս աշխարհաքաղաքացի պետութեան, զիրենք ստիպված զգացին ազգային երգիքը դառնալու:



Արդ, այս հանդիսավոր օրվան մեջ հավաքված ենք, նախ կատարելու համար պարտականություն մը, այն է մեծարանքի հարկ մատուցանել հիշատակին անոնց, որ 1500 տարի առաջ բարոյական հիմը դրին մեր պատմական գոյության: Հետո ինծի կթվի, թե այս հանդեսը կրնա գործնական որոշ օգտակարութիւն մըն ալ ունենալ, պայմանով որ պատրաստ ըլլանք անցյալին փորձառութիւնը գնահատելու: Մենք ի հայտ բերինք գոյակցութիւնը երկու հոսանքներու, որոնք իբր հիմ ունին երկու հակընդդէմ սկզբունքներ: Այժմ ալ, այդ երկու սկզբունքները իրարու դէմ կռւի մեջ են, մեկ կամ մյուս կերպով, երբեմն՝ ծայրահեղութեան մղված ձեւերով, քաղաքակիրթ աշխարհին մեջ:

Անցյալի փորձառութիւնը, որուն կ'ականարկենք, պետք է մեզի օգնե, պետք է օգնե մանավանդ մեր երիտասարդութեան, որ մասամբ որբ է, իր բախտին ձգված և բոլոր վտանգներուն ենթարկված, այդ աշխարհի հրահանգի փորձառութիւնը պետք է, որ անոր թույլ տա հաստատակամ ու գիտակից ընտրութիւն մը ընելու երկու ուղղութիւններու միջև, որպէսզի ազգային շրջանակին հարի և հաստատ պահպանե ինչ որ կ'սորհրդանշե մեր ազգութիւնը՝ լեզու, կրօնք, ծես, ավանդութիւններ:

Թող այս օրվան հանդեսը և Սահակի ու Մաշտոցի հիշատակը մեզ բոցավառեն նոր եռանդով մը՝ հավատարիմ մնալու համար այն ժառանգութեան, զոր անոնք մեզի թողած են: Այդ ժառանգութիւնը նկատենք իբր տապան մը այս ալեկոծ օտար ծովերուն վրա, այն դժնդակ պայմաններուն մեջ, ուր կ'ոգորի մեր ազգային կյանքը, և ՀՈՒՍԱՆՔ<sup>\*\*\*\*\*</sup>, ՈՐ ՕՐ ՄԸ ԱՅԴ ՏԱՊԱՆԸ, ՀԱՐՈՒԹՅՈՒՆ ԱՌԱՄ ԱՐԴԱՐՈՒԹՅԱՆ ՇՈՒՆՁԵՆ ՄՂՎԵԼՈՎ, ՊԻՏԻ ԻՋՆԵ ԱՐԱՐԱՏ ԼԵՐԱՆ ՎՐԱ ԵՎ ՄԵԶԻ ԹՈՒՅԼ ՊԻՏԻ ՏԱ ՎԵՐԱԿԱՆԳՆԵԼ ԱՎԵՐԱԿՆԵՐԸ ՄԵՐ ՀԱՅՐԵՆԻՔԻՆ, ՈՐ ԼՔՎԱՄ Է ԱՅՍՕՐ, ԲԱՅՑ ՈՉ ՄՈՒԱՑՎԱՄ<sup>\*\*\*\*\*</sup>:

\*\*\*\*\* Ընդգծված ամբողջ հատվածը դուրս է մնացել «Յուզարձան» ժողովածուի հրատարակությունից: Ստորև տրվող «Անահիտի» խմբագրության ծանոթագրությունը կարող է լույս սփռել նման կրճատման հանգամանքների վրա (Պ. Հ.):

\*\*\*\*\* Այս ճառին արտասանված օրը, վերջին պարբերությունը ունկնդիրներին ուսանց այնպես կարծել տվեր էր, թե բովանդակ հայ ժողովրդի այժմյան ազգային կյանքին է, որ հոն «դժնդակ» ածականով, կ'որակվեր և թե «լքված, բայց ոչ մոռացված հայրենիքի ավերակներու ապագա վերականգնման» մասին հայտնված լույսը կվերաբերեր նորհրդային Հայաստանին: Այդ մեկնությունը անճիշտ է, ինչպես հեղինակն ալ, երբ իրեն հաղորդեցինք այդ կարծիքը, ըսավ մեզի: Հայրենիքեն հեռու օտար երկրներու ցրված հայոց կյանքն է, որ ան կգտնե դժնդակ և երբ կճշդե, թե «վերականգնման արդարության տապանը օր մը Արարատին՝ այժմ թուրքերու ձեռք անցած Արարատին, վրա է, որ պիտի իջնե», հայտնի է, որ չի կրնար ականարկել մեր այժմյան Հայաստանի Հանրապետության, որ լքված ըլլալէ հեռու, մեկ միլիոն կենդանի, աշխատող, արտադրող հայերու բույնն է. այլ հայերն ու հայ կյանքն բոլորովին պարաված, բայց վտարանդի հայերն երբեք չմոռացված այն հայկական նահանգներուն, որ մնացին կամ տասնհինգ տարի առաջ նորեն անցան թուրք լուծի տակ (Ծ. խ.):